

Velkommen til din
studentbustad



busaman



Å bu i eit kollektiv vil seie at du er del av eit større fellesskap. Med det følger både ansvar og moglegheiter.

Hels på naboane dine, respekter kvarandres grenser, finn på noko kjekt i lag og ta vare på kvarandre.

Reservasjon av fellesareal

Fellesarealet er til for alle bebuarane, og det er viktig å respektera at ein deler denne plassen med fleire. Der skal vere plass til alle, og skal ein ha mange på besøk bør det avtalast med resten av leigebuarane. Skal ein ha fest eller liknande på fellesarealet må ein skriva seg opp på reservasjonslista som heng på info-tavla.

Wi-Fi

For å logge deg på internett gjennom nettverkskontakten du finn på hybelen brukar du same brukarnamnet og passordet som på høgskulen. For å kople seg på det trådlause nettverket koplar du deg til nettverket Sisof med nøkkel sisof6800 for så å logga på med brukarnamn og passord frå høgskulen.

Husleige

Husleiga har forfall den 15. i kvar månad. Saman sender ikkje ut faktura på papir, så faktura finn du på din side på www.bo.sammen.no.

Har du opna for mottak av faktura i Vipps vil du og få faktura der.

BETAL I TIDE – UNNGÅ PURREGEBYR OG INNKASSO!

Ta kontakt viss du får problem med å betala innan forfall, så kan vi finna ei løysing i lag.

Brannalarm

Du er pliktig å setja deg inn i branninstruksen for ditt bustadhus. Denne finn du på infotavla på fellesområdet.

Sabotasje av brannalarmanlegget, tildekking og fjerning av detektorar/klokker, er brot på leigekontrakten og kan føre til utkastning!

Treng du hjelp frå vaktmeister?

Når du vil seie i frå om feil, manglar eller anna du treng vaktmeister til, skal du bruke henvendinger på sida di på bo.sammen. Hugs å velje rett type henvendinge for saka du melder inn. For at den skal nå vaktmeister eller husøkonom må du velje type 'vaktmester, renhold'.

Parkering

Saman har ein del parkeringsplassar utanfor studentbustadane. Har du bustad hjå Saman står du fritt til å nytte desse plassane der du bur.

Låst ute?

Har du gløymt eller mista nøkkelen din kan Securitas låsa deg inn mellom kl. 21:00 og 04:30. Ring på vakttelefon; 22 97 10 39. Gebyr for innlåsing er gjeldande takst hjå Securitas. Innafor vanleg arbeidstid, kontakt vaktmeister for innlåsing.

Vaskeveke

På alle fellesstover/kjøken heng det vaskeliste, på den finn du ut kva veker du har ansvar for vask og orden på fellesområdet. Passar ikkje den veka du er sett opp med vaskeansvar er du sjølv ansvarleg for å byte med andre. Eit tips kan vere å gå saman med ein annan student, og la vasken bli ei sosial greie som ein utfører i lag, deler på vasken slik at det ikkje blir så mykje å vaske. Det er husøkonomen hjå Saman som kontrollerer om vask er utført tilfredstillande.

OBS! Det er studentens eige ansvar å sjekka vaskelista på info-tavla tysdag etter kl.15.30 for å finna ut om vasken er godkjend. Er den ikkje det får du ein sjanse til å retta opp det som ikkje er godt nok, og det vert ny sjekk onsdag. Blir ikkje vasken godkjent vert vask utført av SISOF og fakturert den som har vaskeveke.

All info om vask og vaskemiddel heng på infotavla. Kurs i vask blir halde kvar haust, eller etter ønskje frå studentar. Felles nedvask er obligatorisk for alle studentar i Saman, og blir gjennomført 1-2 gongar i året – sjå også kontrakt med vedlegg. Spørsmål om vask kan du stilla til husøkonomen vår.

Saman held moppar til vekevasken av fellesområda. Desse skal vaskast i maskin etter bruk. Skitne moppar skal ikkje kastast i søppla.

I Saman sine bustader har vi strenge krav til hygiene og reinhald. Ver venleg og prøv å hjelpe oss med å halde desse krava til reinhald.

Forsikring

Ver merksam på at Saman ikkje har innbuforsikring som dekker leigebuarane sine private eigedelar. Innbuforsikring for dine ting må du ordne sjølv.

Gjenbruksbui

Vi ønsker å legge til rette for at våre leigebuarar skal kunne vere meir miljøvenleg. Vi har difor opna ei gjenbruksbu der leigebuarane våre kan setja frå seg ting dei ikkje lenger treng, og henta ting dei har bruk for. Så før du kjøper nytt oppmodar vi deg å sjå om du finn noko av det du treng der. Då sparar du både pengar og miljøet.

Gjenbruksbui i Førde finn du mellom Tervatunet 1A og Hamretunet 14-18, og er ope innanfor våre opningstider.

Sortering av søppel

I Førde sorterer kommunen papp/papir/drikkekartong(blått lokk) og restavfall(grått lokk). OBS! Bossdunkane skal settas ut ved vegen for tømning. Restavfall tømmas kvar tysdag morgon. Papp/papir tømmas ein gong i månaden. Den som har vaskeveke gar ansvar for at dette vert gjort.